



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/20
Sarajevo, 03.03.2020.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO ZA OBRAZOVANJE, NAUKU I MLADE KS
MINISTARSTVO KULTURE I SPORTA KS**

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Ministarstvu obrazovanja, nauke i mladih i Ministarstvu kulture i sporta KS:

da iznađu sredstva, te pokrenu aktivnosti i raspišu javni poziv za podršku učenicima osnovnih i srednjih škola koji ostvaruju značajnije rezultate u sportu kroz podršku i sufinansiranje članarina u klubovima, kotizacija na takmičenjima, troškova opreme i svih drugih troškova koji im se mogu stavljati na teret. U javnom pozivu predlažem definiranje sljedećih kriterija;

- sportski rezultat (dokazivanje diplomama sa takmičenja, potvrdama i drugim relevantnim dokumentima),
- socijalni status (dokazivanje potvrdama o primanjima roditelja i drugim relevantnim dokumentima),
- visina mjesečnih troškova za sport (dokazivanje potvrdama koje mogu izdati sportska društva o visini mjesečnih troškova i drugim relevantnim dokumentima) te
- prebivalište (dokazivanje potvrdom o prebivalištu ili drugim relevantnim dokumentima).

OBRAZLOŽENJE

Mladi sportisti u Bosni i Hercegovini su najbolji predstavnici naše zemlje i svoje lokalne zajednice u svijetu. Međutim, shodno visokim finansijskim troškovima koje imaju, često se povlače i napuštaju sport jer oni i njihovi roditelji ne mogu snositi sve troškove koje aktivno bavljenje sportom može iziskivati od njih. Ovakva mjera koja bi im pružila podršku barem u snošenju osnovnih troškova za sport bi bila iznimno značajna jer bi zadržala veliki broj učenika u aktivnom bavljenju sportom, pokazala im da je moguće sportom se baviti i u Bosni i Hercegovini te bila značajna mjera u borbi protiv odlaska mladih iz Bosne i Hercegovine.

OBRAZLOŽENJE PREDLOŽENIH KRITERIJA U JAVNOM POZIVU:

Sportski rezultat kao kriterijum značajan je zbog dokazivanja sportskog rezultata učenika, te rangiranja prijavljenih učenika po značaju za prezentaciju Bosne i Hercegovine i lokalne zajednice.

Socijalni status oslikava kolika je mogućnost učenika da sa svojim roditeljima snose sportske troškove koji se nameću.

Visina mjesečnih troškova predstavlja koliko je zapravo učešće troškova za sport te kolika je nužnost pružanja podrške kroz sufinansiranje.

S poštovanjem,

Neira Dizdarević

Zastupnica Naše stranke u Skupštini Kantona Sarajevo